

OPĆINA STARI GRAD SARAJEVO

Općinsko vijeće

Na osnovu čl. 29. 47. Zakona o prostornom uređenju ("Službene novine Kantona Sarajevo", br. 7/05) i čl. 10. i 25. Statuta Općine Stari Grad Sarajevo-Prečišćeni tekst ("Službene novine Kantona Sarajevo", broj 20/13), Općinsko vijeće Stari Grad, na sjednici održanoj 31.03.2014. godine, donijelo je

ODLUKU

O PROVOĐENJU URBANISTIČKOG PROJEKTA
"KATEDRALA - SPOMEN OBILJEŽJE PAPI IVANU
PAVLU II"

Član 1.

Ovom Odlukom utvrđuje se provođenje Urbanističkog projekta "Katedrala - Spomen obilježje papi Ivanu Pavlu II" (u daljem tekstu Plan), a naročito granice obuhvata, urbanističko-tehnički uvjeti, uređenje građevinskog zemljišta, privremeno korištenje površina, vanjsko uređenje trga, odnosi prema postojećim građevinama kao i djelatnosti i uvjeti pod kojim se pojedine djelatnosti mogu obavljati u objektima i površinama.

Član 2.

Granica obuhvata polazi od tačke br. 1, koja se nalazi na ivici trotoara ulice Ferhadija k.č. 1403, a ima koordinate $y = 6\ 534\ 592$ i $x = 4\ 857\ 260$. Granica ide u pravcu sjevera idući ulicom k.č. 1414/5 (obuhvata je) i dolazi u tačku br. 2, koja se nalazi na ivici trotoara ulice Mula Mustafe Bašeskije k.č. 1394, a ima koordinate $y = 6\ 534\ 579$ i $x = 4\ 857\ 327$, granica potom produžava u pravcu istoka idući trotoarom koji pripada ulici Mula Mustafe Bašeskije (obuhvata ga) u dužini od 43 m i dolazi u tačku br. 3, koja se nalazi na ivici pomenutog trotoara, a ima koordinate $y = 6\ 534\ 620$ i $x = 4\ 857\ 337$. Granica se potom lomi u pravcu juga idući parcelom k.č. 1069 (ulica, koju obuhvata) i dolazi u tačku br. 4, koja se nalazi na ivici trotoara ulice Ferhadija k.č. 1403, a ima koordinate $y = 6\ 534\ 633$ i $x = 4\ 857\ 272$. Granica obuhvata produžava u pravcu zapada u dužini od 43 m, obuhvatajući trotoar ulice Ferhadija k.č. 1403 i dolazi do tačke br. 1, odnosno do mjesta odakle je opis granice obuhvata počeo.

Površina obuhvata iznosi: $P = 0.29$ ha. Opis granice ovoga područja urađen je sa karte katastarskog originala razmjere $R = 1 : 500$. Sve gore navedene parcele se nalaze u Općini Stari Grad, K.O. Sarajevo I.

Područje planiranja obuhvata prostor trotoara i stepeništa ispred Katedrale (Katedralna crkva Srca Isusova).

Član 3.

Urbanističko - tehnički uvjeti:

- Realizacija spomen obilježja unutar granica iz člana 2. ove Odluke vrši se na građevinskom zemljištu ograničenom regulacionom i građevinskom linijom;
- Sve intervencije na objektu Katedrale moraju se vršiti u skladu sa odredbama Odluke o proglašenju Historijske građevine - Katedrale (Katedralna crkva Srca Isusova) nacionalnim spomenikom, u I i II zaštitnoj zoni, koja obuhvata trg ispred Katedrale, ulice oko Katedrale i fasade ulica oko Katedrale (Odluka broj: 06.1-2-285/04-4 od 25. januara 2005. godine ("Službeni glasnik BiH", broj 2/06)) i na osnovu Zaključka Komisije / Povjerenstva za očuvanje nacionalnih spomenika BiH koji je donesen na 60. sjednici Komisije održanoj od 3. - 5.02.2014. godine;
- Hortikulturno rješenje Trga je sastavni dio Idejnog rješenja uređenja trga na prostoru ispred Katedrale.

Član 4.

Ovim urbanističkim projektom se zadržava postojeće stanje trga i ulica oko Katedrale, a zahvat na kojem se vrši postavljanje spomen - obilježja Papi Ivanu Pavlu II je na prostoru trotoara,

istočno od postojećeg stepeništa koje vodi u glavni ulaz u Crkvu Srca Isusova, na udaljenosti od 118 cm od prvog stepenika.

Na postojećem trotoaru se gradi postament u obliku zaobljenog trapezoida dimenzija $195 \times 405 \times 189 \times 256$ cm, ukupne visine 44 cm na kojem će biti postavljena skulptura Papi Ivanu Pavlu II, visine 292 cm, a na osnovu prvonagrađenog rada Natječaja za izradu Idejnog rješenja spomen - obilježja Papi Ivanu Pavlu II, čiji je autor akademski kipar Hrvoje Urumović. Ukupna visina postamenta i skulpture je 336 cm.

Realizacija Urbanističkog projekta "Katedrala - Spomen obilježje papi Ivanu Pavlu II" se mora vršiti na osnovu prvonagrađenog rada Natječaja za izgradnju spomenika Papi Ivanu Pavlu II akademskog kipara mr. Hrvoja Urumovića i korigovanog Prijedloga Idejnog rješenja Spomen obilježja papi Ivanu Pavlu II autora mr. Hrvoja Urumovića i Jure Pranjića dipl. ing. arh. koje je ugrađeno u ovaj Plan.

Tehnička dokumentacija za potrebe izvođenja skulpture mora se raditi prema Prijedlogu Urbanističkog projekta "Katedrala - Spomen obilježje papi Ivanu Pavlu II" i Idejnom rješenju Spomen obilježja papi Ivanu Pavlu II.

Član 5.

Odobrenje za sve radove u granicama nacionalnog spomenika izdaje Federalno ministarstvo prostornog uređenja, a na osnovu Zakona o sprovođenju odluka Komisije za zaštitu nacionalnih spomenika uspostavljene prema Aneksu 8. Općeg okvirnog sporazuma za mir u Bosni i Hercegovini (Službene novine Federacije BiH br. 2/02, 27/02, 6/04 i 51/07).

Član 6.

Privremeno korištenje javnih površina (ljetne bašte i sl.) u okviru granica obuhvata Plana se može odobriti.

Član 7.

Svi planirani arhitektonsko - urbanistički zahvati moraju biti projektovani i izvođeni prema uslovima datim u okviru ovog Plana, a u skladu sa važećim propisima.

Član 8.

Ova Odluka stupa na snagu osam (8) dana od objavljivanja u "Službenim novinama Kantona Sarajevo".

Broj 02-49-167/14
Marta 2014. godine

Predsjedavajući
Vedran Dodik, s. r.

Na osnovu čl. i 44. stav 4. Zakona o prostornom uređenju ("Službene novine Kantona Sarajevo", br. 7/05) i člana 10. i 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), Općinsko vijeće Stari Grad Sarajevo je, na sjednici održanoj 31.03.2014. godine donijelo

ODLUKU

O USVAJANJU URBANISTIČKOG PROJEKTA
"KATEDRALA- SPOMEN OBILJEŽJE PAPI IVANU
PAVLU II"

Član 1.

Usvaja se Urbanistički projekat "Katedrala - Spomen obilježje Papi Ivanu Pavlu II" (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Tekstualni dio;
- Odluku o provođenju Urbanističkog projekta "Katedrala - Spomen obilježje Papi Ivanu Pavlu II".

Grafički dio sadrži:

1. Izvod iz Programa razvoja Gradskog jezgra Sarajeva M 1:5000
2. Postojeće stanje (ažurna geodetska podloga i katastar) M 1:500
3. Posjedovno stanje M 1:500
4. Arhitektonsko-urbanističko rješenje M 1:200
5. Parterno rješenje M 1:200
6. Regulacioni i nivelacioni podaci M 1:200
7. Analitička obrada parcela. M 1:500

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Stari Grad Sarajevo i Zavodu za planiranje razvoja Kantona Sarajevo.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-49-168/14
Marta 2014. godine

Predsjedavajući
Vedran Dodik, s. r.

Na osnovu člana 10. tačka 7. i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), a u skladu sa odredbama Zakona o preuzimanju, izmjenama i dopunama Zakona o zakupu poslovnih zgrada i poslovnih prostorija ("Službene novine Kantona Sarajevo", broj 14/97 i 29/09, Općinsko vijeće Stari Grad Sarajevo, na sjednici održanoj 31. marta 2014. godine, donijelo je

ODLUKU

O DOPUNI ODLUKE O DODJELI U ZAKUP POSLOVNIH ZGRADA I POSLOVNIH PROSTORA OPĆINE STARI GRAD SARAJEVO

Član 1.

U Odluci o dodjeli u zakup poslovnih zgrada i poslovnih prostora Općine Stari Grad Sarajevo ("Službene novine Kantona Sarajevo", broj 37/13, 45/13 i 2/14), u članu 25. stav (1) tačka 1.1. iza riječi "i 1.18." dodaje se tekst koji glasi:

"kao i državnim organima, kulturnim, naučnim i obrazovnim institucijama i ustanovama."

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj 02-49-180/14
Marta 2014. godine
Sarajevo

Predsjedavajući
Općinskog vijeća
Stari Grad Sarajevo
Vedran Dodik, s. r.

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), a u skladu sa članom 7. Zakona o finansiranju političkih stranaka ("Službeni glasnik BiH", broj 95/12), Općinsko vijeće Stari Grad Sarajevo, na sjednici održanoj 31. marta 2014. godine, donijelo je

ODLUKU

O IZMJENAMA I DOPUNAMA ODLUKE O UČEŠĆU U FINANSIRANJU RADA KLUBOVA VIJEĆNIKA POLITIČKIH STRANAKA I NEZAVISNIH VIJEĆNIKA U OPĆINSKOM VIJEĆU STARI GRAD SARAJEVO

Član 1.

U Odluci o učešću u finansiranju rada klubova vijećnika političkih stranaka i nezavisnih vijećnika u Općinskom vijeću Stari Grad Sarajevo ("Službene novine Kantona Sarajevo", broj 16/12), mijenja se i dopunjuje naslov, tako što se iza riječi "političkih stranaka" briše veznik "i", piše zarez, a iza riječi "nezavisnih vijećnika" dodaju riječi "i samostalnih vijećnika".

Član 2.

U članu 1. u trećem redu iza riječi "političkih stranaka" briše se veznik "i", piše se zarez, a iza riječi "nezavisnih vijećnika" dodaju riječi "i samostalnih vijećnika".

Član 3.

Ova Odluka stupa na snagu danom objavljivanja u "Službenim novinama Kantona Sarajevo".

Broj 02-49-181/14
Marta 2014. godine
Sarajevo

Predsjedavajući
Općinskog vijeća
Stari Grad Sarajevo
Vedran Dodik, s. r.

Na osnovu člana 7. Odluke o jedinstvenim kriterijima za raspodjelu sredstava obezbijedenih u Budžetu Općine Stari Grad Sarajevo za finansiranje boračkih udruženja ("Službene novine Kantona Sarajevo", broj 20/09) i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), Općinsko vijeće Stari Grad Sarajevo, na sjednici održanoj 31. marta 2014. godine, donijelo je

ODLUKU

O RASPODJELI BUDŽETSKIH SREDSTAVA ZA FINANSIRANJE PROJEKATA IZ REDOVNE DJELATNOSTI BORAČKIH UDRUŽENJA ZA 2014. GODINU

Član 1.

Ovom Odlukom vrši se raspodjela sredstava utvrđenih Budžetom Općine Stari Grad Sarajevo za 2014. godinu, boračkim udruženjima sa područja Općine Stari Grad Sarajevo.

Član 2.

Za redovnu djelatnost boračkih udruženja, sredstva predviđena u Budžetu Općine Stari Grad Sarajevo, u iznosu od 96.000 KM, raspoređuju se, kako slijedi:

Redni broj	Naziv udruženja-organizacije	Iznos u KM
1	Udruženje RVI	16.000,00
2	Organizacija PŠ i PB	19.000,00
3	Udruženje "Bosnae-Zelene beretke"	10.000,00
4	Udruženje "2. brdska brigada"	8.790,00
5	Udruženje demobilisanih boraca	11.500,00
6	UB "NNRP"	11.000,00
7	UABNOR	5.650,00
8	Udruženje "Odred Širokača"	4.680,00
9	Udruženje "115. brigada"	6.000,00
10	Patriotska liga	3.380,00
	UKUPNO	96.000,00KM

Član 3.

Ova Odluka stupa na snagu danom objavljivanja u "Službenim novinama Kantona Sarajevo".

Broj 02-49-182/14
Marta 2014. godine
Sarajevo

Predsjedavajući
Općinskog vijeća
Stari Grad Sarajevo
Vedran Dodik, s. r.

Na osnovu člana 37. Zakona o budžetima u Federaciji BiH ("Službene novine Federacije BiH", broj 102/13) i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), Općinsko vijeće Općine Stari Grad Sarajevo, na sjednici održanoj dana 31. marta 2014. godine, donijelo je